

La postmoderna u: la dispariziun da l'istorgia dal salit

■ La postmoderna furma in moviment en l'istorgia d'art ch'è da vesair sco reacziun cunter l'ortodoxia da la moderna. Al lieu da la funczionalitat e dal purissem modern – che vegniva resenzi pli e pli sco totalitar – ha la postmoderna mess in pluralissem giagi e plain fassettas. Chattà.ch preschenta in essai da l'istoricher d'art Beat Wyss, cumpari l'onn 1992 en la retscha «Ars Helvetica – art e cultura visuala en Svizra».

Mintga moviment ch'asprescha ad in salit definitiv stat davant il suandant problem: cura è il vegl mund propi a fin e cura cumenza il preschent da l'empermischun? Sa resvegliada suenter la Segunda Guerra mondiala è l'epoca moderna stada en ina situaziun sumeglianta a quella dal primchristianissem suenter avair pudi sortir da las catacumbas da l'illegalitat per daventar la religiun da l'imperi.

Enturn il 1970 han talas dumondas fatschentà ils intellectuals. Co tegnair l'empermischun da l'epoca moderna sche la durada dal stadi provisoric tranter

la profezia e ses accumpliment da ventava adina pli lunga? Entant ch'ils estichers da sanestra


debattevan davart la permanenza da l'avanguardia han cumenza la guerra da Jom Kippur e la crisa d'ielì dal 1973. Sinaquai èn ils artists, ch'avevan mai propi lavourà tenor teorias, ids irrevocablamain lur atgna via.

Uss dominava l'uschenumnada «Innerlichkeit» tant blasmada; l'allegria maschaida trantre edengschament è ida apart. Suenter las chamicas fluridas giev'ins uss puspè en nair ed oscillava tranter «New Wave» e «No Future». L'autenticidad, ina nozun da l'estetica d'Adorno, vegn puspè stabilida: Ella furma per uschè dir la davosa bastiun da l'art suenter che quel ha renunzià a sia pretensiun da vardad. L'autenticidad è la davosa restanza da l'essenzialismem modern: quai che vanza ad ins, a la fin da tut ils quints, suenter ch'ins ha gustà las visiuns en lur banalitat la pli brutalà, niv sco in internà en il champ dal project da l'epoca moderna realmain existent. Il sulet che quinta anc è questa scrittura a maun, questa sigla scrivlada che vegniss in di a vegnir interpretada sco ensaina da schlatta d'ina gruppera d'umans ch'è vegnida bittada enavos da las bumbas en il temp dals chatschadurs e collezioniaders. Questa furma da mentalità tardiva dal pessimissem suenter la guerra sa lascha resumar sur il titel da la «postistorgia». Las revoltas da giumentegna dal 1980 furman in fil da questa tenuta.

Sa dumandar co che las «vardads» vegnan fatgas

A medem temp è entrada en sia fasa determinanta l'epoca «postmoderna» cun ina conscienza pli optimistica dal temp suenter la guerra. Deplorablamain èsi daventà usit da qualifigar sco «postmoderna» las chassas d'ina famiglia cun lur motifs da Palladio. Ma già la critica literaria dals onns sessanta aveva fatg diever da questa nozun; l'architectura l'ha surpiglià tard ed a medem temp sfalsifitgà tras sia popularisazion. La schientsha postmoderna reprena il fil interrutt ed instrumentalista da l'epoca moderna individualistica ed anarchica. Il gieu daidaistic cun la convenzionalitat dals segns, las associazions libras dal surrealismem e la clera differenziazion dal Pop

Catalog d'exposiziun dal Museum naziunal svizzer.



Art trantre segn e significaziun fan part dal proceder postmodern. Il «leitmotiv» da questa tradizion metodica è la separaziun en il senn radical dal convenzionalismem, quai vul dir: renconuscher da maniera critica ch'è na dat en sasez nagina furma per propri. Mintg'expressiun è il risultat d'in accord social e sco quel poer ella vegnir visada. Furma e cuntegn n'en betg identics, sco quai che l'epoca moderna classica l'aveva anc carti vulend taisser en ina gronda taila tant l'expressiun sco la finamira; l'epoca postmoderna fa puspè ora – sco Penelope da notg ses dun dal di – per betg daventar la victima d'ina fauss'empermischun ch'ella aveva carti da stuair far sin fundament d'in optimissem precipità.

L'artist modern era sa mess a la tschertga dal fenomen original, da quel segn ch'aveva già adina existì, ed el ha mo sveglià las glischs fosforescentas da la notg da la vardad che tragischan dapi l'entschattta da las entschattas. Entant che la furma moderna (sco simbol) sa referescha a sasezza mussa la furma postmoderna (sco allegoria) davent da sasezza sin outras furmas. Ils umans da l'epoca moderna avevan dumandà tge che saja la vardad, ils umans da l'epoca postmoderna dumondan co che la vardad vegnia fatga; per els na sa mussa nautg da sasez.

Da l'utopia a l'umanissem ad interim
Sco la plipart da las epochas e da las nozuns da stil ha er l'epoca postmoderna d'engraziar sasezza a la vaghezza d'ina critica glinatica. La «postmoderna» ha già pressapau la medema sort sco il «baroc»: ella è vegnida sfalsifitgada e svalitada ed ha mo mussà da maniera zunt nunprecisa sin l'object ch'ella aveva fatg diever. Cuntrari a quai che la nozun di, è l'epoca postmoderna numnadament dal tutafatc conscientia da sia derivanza moderna. Il prefix «post» avess en sasez correspundi meglier a l'epoca classica moderna ch'era sa chapida sco resultat dals sigls da l'istorgia dal salit. L'epoca moderna è vegnida «suenter»: suenter il diluvi da las

revoluziuns politicas ed esteticas sco paradiis sin terra. En l'epoca moderna dueva sa realisar il return etern a l'entschattta – sco correctura suenter in'istorgia malgar-tegiada. L'art modern tschertga la «cordanza cun l'axa interna da l'uman, pia la concordanza cun las leschas da l'univers – return a l'urden dal mund», ha scrit Le Corbusier. Il titel «Vers une Architecture» sugereschia ch'ins n'avess gnanca pudi discurrer d'architectura avant la publicaziun da quest'ovra. L'estetica da la nov'entschattta totala va a pèr cun l'estetica da l'eliminaziun. Per l'idea d'ina architectura da chadaina era Le Corbusier s'inspirà dals bombardaments da las citads da l'Emprima Guerra mondiala: «Domino», il skelet da standard d'elements fabrigads en seria per la construcziun da chassas, è vegni stgaffi il 1914 sut il choc da las veglias citads bri-schadas da la Flandra.

L'epoca moderna veseva sasezza da maniera posttradizionala sco nov'epoca suenter l'istorgia. L'epoca postmoderna perencunter sa situescha sco part dal context istoric. Ella ans liberescha dal sforz da redemziun e professescha in umanissem ad interim che s'approximessa a l'idea da la ventira en furma da provisoris. Las utopias n'èn naginas miras da viadi; ellas èn sin il pli intiginas stai-las fixas che gidan a navigar sin la mar incalculabla dals basegns. Mintga cursa utopica sto pudair garantir da tut temp l'experiencie realisabla d'ina ballantscha ventiraiyla trantre il nagliur ed il daqua. Na fidai a nagin paradis che vegn annunzià per puschmaun! La libertad absoluta, che duai l'emprim vegnir chasshada tras il tunnel da la terror, n'è a la fin dals quinto nautg auter ch'il return a la veglia sclavaria.

Collià cun la dialectica da la ventira umana tras la violenza tuna il moviment studentic dal 1968 sco il davos refrain da l'epoca moderna classica. La refusa da la «postmoderna» davent dals revoltants correspunda ad ina resistenza d'analisa incapabla da sa liberar dal «jau» idealisà dals bunts. In'istorgia che na sa sviluppa betg en moda naturala vers il bun vegn en ils egls dals moralists da sanestra automaticamain resentida sco offensium narcistica, perquai ch'i manca ad els la pussaiyladad da s'identifitgà cun las leschas d'in progress che sa drizza vers il futur. Ma sper quai survesan ils critichers da l'uschenumnada «neue Unverbindlichkeit» ch'il movi-

ment studentic ha cumenza ensemble cun l'epoca postmoderna; tuts dus èn s'exprimids durant ils onns sessanta, cura che la giumentegna ha refusà da simplamain cuntinuar suenter la catastrofa cun la mentalidad d'avant la guerra e da la garnir d'in pau conjunctur'auto e d'in maletg d'inimi pli endiri. La part edonistica da questa revolta è vegnida transmessa tras il Fluxus ed il Pop Art. La scena dal happening ha rut cun la seriusdad vigurusa dal progress. «Less is a bore», pli pauc è lungurus, è stada il 1966 la resosta da Robert Venturi al dictat dal Bauhaus: l'art dastga esser tut, mo betg lungurus. Il «less is more» da Mies van der Rohe – quai «minimum» ch'ins entaupa memia savens e cun repetiziun nundifferenziada en ils gronds negozis, ils silos d'abitaziuns e las turs d'uffizis – era degenerà a l'expressiun architectonica dal desert d'ina societat che viva da la surgiudida industriala.

Cur ch'il choc estetic na giavina betg pli

Entant è il cuntegn emfatic da l'epoca moderna sfusò nunobservadament daventond ina rasada archeologica dal preschent. Quai che vanza è ina crusta impermeabla da vaider, atschal e mesira regulara. Il public n'è gnanca pli abel da realisar il scandal politic cultural chasshunà a l'entschattta da quest'tschientaner da l'avanguardia. Cura che la tecnica dal choc estetic è puspè vegnida applitgada pli savens a la fin dals onns tschun-canta, ha sia teoria mo pudì zuppentlar cun bregia sia forza motorica vaira e propria: la novitad sco sforz da las circumstanze dal martgà. Il clom «épatez le bourgeois!» (schocca il burgais!) era ormai daventà anacronistic en in mund en il qual l'uschenumnà «Bildungsburger» n'existiva gnanca pli. Insacura durant las dues guerras mundiales sto el esser svani per adina; già en «Buddenbrooks» da Thomas Mann ha questa figura in pau la savur nostalgica da palpiti vegli. Ha el insumma existiù insacura? U è il «Bildungsburger» be l'autopurtret stilisà d'ina clas-sa dal 19avel tschientaner ch'era s'enrigida memia spert e che zuppentava ses arrivissem davos il vel da l'interess cultural? Forsa è el er daventà ina simpla projecziun da l'artist ch'ha gist anc inventà l'adressat adequat per ils surpassaments dals tabus estetics. Ch'i saja sco ch'i veglia – cura che quel «Bildungsburger» avess duì reagir sin la provocaziun artistica,

n'al devi betg pli. Ils sulets ch'han prendi serius l'art da tala maniera che mintga stinchel e mintga stucca parevan d'als tutgar en il pli profund, èn stads ils critichers d'art marxisitics da la pasta da Georg Lukács.

Davant il fund da l'industria cultura-d'ozendi po la figura dal «Bildungsburger» sveglar inqual sentiment nostalgit. Quant èn stads bels ils temps en ils quals ins pudeva anc retschaiver in'educaziun cultivada respectond cun gronda premura ils rituals dals acts so-lens: exercizis per la detta cun Schumann, in Grand Tour a Florenza e forsa ina passiun per Picasso. L'affecziun glorifitganta per in ideal da furmaziun passà ans fa siemiar da museums emblidads e vids, sco aquaris turbels trantre stgir e cler – lieus d'ina epoca lontana che savuran da palantschieus unschids e da pulvra. Cura èsi pomai stà uschia? En il temp ch'is camariers dals restaurants purtavan anc scussals alvs, brigantina ed in rispli davos l'uregia?

Democratizaziun da la cultura

La furmaziun giudida ed il consum elevà èn pelvaira duas furmas che tutgan ensemble. La democratizaziun da la cultura sa mussa tras il fatg che tuts dastgan uss star en retscha: tant al buffet da l'antier Grand Hotel, renovà en in «remake» dal Jugendstil per l'autoservetsch, sco a l'entrada d'ina exposiziun da Dalí trantre barrieras che fan endament quellas d'in runal. L'educaziun cultivada sco privilegi e noda distinctiva entamez ina maioritat ordinaria da meskins n'exista betg pli. Vulair conservar a tut pretsch ina concepziun nostalgitica da furmaziun è gis- uschò fallà sco i candelabers epochals en il restaurant d'autostrada. Mintg'epoca ha ses gener d'art dominant. Quai ch'era stà per il deschdotgavel l'opera è per la seconda part dal ventgavel tschientaner la televisiun. Ella definescha il comportament cultural ed ils criteris da ses success. En l'epoca electronica sa mesira l'art vi dal princip da la quota d'aspecteurs. Per las vias froidas dals interess d'utilisaziun è sa realisada la pretensiun d'ina democratizaziun da la cultura.

La scuverta dals museums tras las massas è succedida sut il fracass dals artists. Grazia ad els è sa diminuida l'uschenumnada «tema davant la sava» a la quala ils nunstanclentaivels pedagogs da museum – in nov rom entaifer il manuschi d'art dals onns settanta – han adina puspè fatg attent. Quella tema avain nus entant persa cumplettamain. Quai ch'aveva entschet il 1978 cun la manuschi da divertiment dal Palais Beaubourg tecnoida ha oz fitgà pe en tut ils pajais cun in'industria culturala sviluppada. Suenter ch'is artists han desancifitgà cun lor provocaziuns las hallas benedidas dals museums las rendend qua tras famigliars ad in public che ri gugent, è ormai cumparida davant il tempel da la musa la furma secundara dal happening cun musicants da via, traguttiders da fiu ed aissas cun rodas.

Questa tendenza a l'innocenza limitescha la cultura postmoderna ch'è, ina giada sa liberada da l'empermischun dal salit, daventada da maniera modesta ina conversaziun elevada cun la massa. Ina nova fasa dal baroc ha cumenza. Las guerras religiusas èn passadas; tut è daventà pli paschaivel, pli tolerant, ma er in pau pli fat dapi la renaschientscha, dapi l'epoca moderna: temps dal cumbat spiertal e da las scuvertas revolu-zinaras che stattan uss, suenter esser ida a fin, a disposiziun a las epochas futuras sco canon mulabel dal patratg e da la furma.

Exposiziun en il Museum naziunal svizzer

Actualmain mussa il Museum naziunal a Turit l'exposiziun «Postmodernism: Style and Subversion 1970–1990». A l'exposiziun da basa, concepida dal

La preschentaziun:

Dossier «Postmoderna»

Dapli infurmaziuns:

chatta.ch/?hiid=2618
www.chatta.ch